



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 45. Joannis Alberti Badouaro Cardinalis decessus.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

gentiæ desiderari passus erat, dimisit, Sæc. XVIII.
 ac denique die sexta Aprilis anno æ- A. C. 1714.
 tatis octogesimo nono Romæ decessit.
 Vir erat sane de Ecclesia, & Republica
 literaria optime meritus, ingenio per-
 spicax, in rebus gerendis dexteritate
 summus, antiquitatum, veterumque
 monetarum indagator solertissimus, ut
 testantur ejus Musæum ab ipso compa-
 ratum, necnon ejus scripta, & decreta,
 quorum aliqua in Bullario Clementis
 XI. & in Cardinalis Passionei actis
 Apostolicæ legationis Helveticæ re-
 periuntur.

§. XLV.

*Joannis Alberti Badouaro Cardina-
 lis decessus.*

Sequenti Mense Joannes Albertus Ba- Vit. Card.
 douaro Nobilis Venetus supremum t. I. p. 191.
 obiit diem. Hic quinquennis puer cura
 sui Patris Crementis Episcopi omnibus
 pietatis & literarum exercitationibus
 probe instructus, sacræ militiæ non nisi
 quatuordecim annos natus nomen de-
 dit, ac paulopost unacum Avunculo
 suo Cardinale Basadonna Romam de-
 latus, Doctoratus lauream ibidem ade-
 ptus est. Inde Cremam reversus, ac
 Ecclesiæ Cathedralis Archidiaconus,
 necnon mortuo suo Patruo ejusdem Ec-
 clesiæ

U u 5

clesiæ

Sæc. XVIII. A. C. 1714 clesiae Canonicus renuntiabatur. Evocatus Venetias, ab Aloysio Contarino Reipublicæ Duce in Primicerium Ecclesiae ad S. Marcum, & postmodum in Patriarcham electus, omnes vigilantissimi Pastoris partes exacte adimplevit, ipse quoque sæpe non sine auditorum applausu ac proventu ad populum dixit, ob vitæ austeritatem, liberalitatem in pauperes, aliasque præclaras virtutes factus forma gregis sui. Eapropter ad Purpuram a Republica præsentatus, dimissa Patriarchali dignitate Romam contendit, ubi summis honoribus a Papa exceptus, ^{sedulo} S. Congregationum deliberationibus interfuit, & Brixiano Episcopatu auctus, Zeli Pastoralis, raræ innocentiae, ^{spe-} statæque virtutis exemplum exitit, irrepentique Quietismo sese tanquam murum æneum opposuit: Denique meritis plenus die decima septima Maij Brixiae, communi omnium, præcipue vero pauperum luctu in cælos, ut pie speratur, receptus est. Impugnabat solide Jacobum Picinum Calvinistam Helvetum perdocta lucubratione, quæ Italo sermone typis excusa in Italia prodiit.